



http://cfoa.am

# Համայնք-ՀամաՏեղ



http://celog.am

ՀամաՏեղ ծրագրի պաշտոնաթերթ Official Newspaper of CELoG program

Հրատարակվում է 2003 թվականից

Հունիս 2017, թիվ 7(107)

## Խմբագրական

### ՏԵՂԱԿԱՆ ԻՆՔՆԱԿԱՌԱՎԱՐՈՒՄ, ԹԵ՞ ՊԵՏԱԿԱՆ ԿԱՌԱՎԱՐՈՒՄ ՏԵՂԵՐՈՒՄ

Տեղական ինքնակառավարման պատմությունը բավական հարուստ է: Տարբեր ժամանակաշրջաններում տարբեր երկրներում համակարգը իր յուրահատկություններն ու առանձնահատկություններն է ունեցել: Նույն այդ պատմության ողջ ընթացքում կառավարման առումով մշտապես վիճելի հարց է եղել՝ տեղական ինքնակառավարում, թե՞ պետական կառավարում տեղերում (կամ որ նույնն է՝ տեղական կառավարում): Ըստ էության, այս հարցը արդիական է նաեւ այսօր՝ չնայած այն հանգամանքին, որ կառավարման ժողովրդավարական ուղին որդեգրած պետական համակարգերը հակված են դեպի տեղական ինքնակառավարում:

Տեղական ինքնակառավարման եւ տեղերում պետական կառավարման հիմնական եւ սկզբունքային տարբերությունը իշխանության ծագման աղբյուրն է. առաջին դեպքում տեղական իշխանությունների ձեւավորման աղբյուր են ընտրությունները (ժողովրդավարության հաստատման բարձրագույն ձեւերից մեկը), երկրորդ դեպքում՝ պետության կողմից նշանակումը:

Ահա այս տարբերությունն է, որ արմատապես փոխում է կառավարման էությունն ու գործընթացները տեղերում: Մի դեպքում ունենք իշխանություն, որն ընտրվել է տեղի բնակիչների կողմից եւ հաշվետու է առաջին հերթին նրանց, մյուս դեպքում ունենք իշխանություն, որը նշանակվել է պետական կառավարման մարմինների կողմից եւ ամբողջությամբ ենթակա է կենտրոնական իշխանությանը:

Տեղերում կառավարման այս երկու մոդելների կամ դրանց համակցված ձեւերից որեւէ մեկի ընտրությունը կախված է տվյալ երկրի հասարակարգից, հանրային կառավարման ձեւից եւ զարգացման այն ուղուց, որն ընտրել է տվյալ երկրի ժողովուրդը:

Սակայն, կա մի շատ կարեւոր հարց, որը ծագում է վերը գրվածի համատեքստում. իրավունք ունի՞ արդյոք որեւէ կառավարման մարմին նախաձեռնել պաշտոնանկություն մեկ այլ մարմնի, որի իշխանության ծագման աղբյուրն ինքը չի հանդիսանում: Կամ ավելի կոնկրետ՝ իրավունք ունի՞ արդյոք պետական կառավարման մարմինը նախաձեռնել ՏԻՄ-երի պաշտոնանկություն եւ ի՞նչ հիմքերով:

Հանրային կառավարման միջազգային փորձը ցույց է տալիս, որ միայն իշխանության ծագման աղբյուրը կարող է նախաձեռնել պաշտոնանկությունը այն մարմնի, որին ինքն է «կյանք տվել»: Բնականաբար, այստեղ խոսքը կառավարման մարմինների քրեորեն պատժելի գործունեության մասին չէ, որի դեպքում արդեն երկրի դատական համակարգն է վճիռ կայացնում՝ տվյալ երկրի օրենսդրությանը համապատասխան:

Հայաստանի Հանրապետությունում տեղական ինքնակառավարման բնագավառի օրենսդրական դաշտը ավելի քան 20 տարիների ընթացքում ենթարկվել է տարաբնույթ համակարգային փոփոխությունների, ինչի վրա իրենց դրական ազդեցություն են ունեցել նաեւ այն միջազգային իրավական ակտերը, որոնց միացել է Հայաստանը՝ վավերացնելով դրանք: Ժողովրդավարական կառավարման համակարգը, որը որդեգրել է մեր հանրապետությունը, հստակորեն կարգավորում է ՏԻՄ-երի տեղն ու դերը հանրային կառավարման համակարգում՝ վերջիններիս իշխանության ծագման աղբյուրը անվերապահորեն ամրագրելով համայնքի բնակիչներին եւ նրանց կողմից կատարված ընտրությանը:

Սակայն վերջին մեկ-երկու տարիների ընթացքում ՀՀ պետական լիազոր մարմինների կողմից պարբերաբար փորձեր են արվում ստեղծել օրենսդրական մեխանիզմներ, որոնք կուժեղացնեն պետական կառավարման մարմինների ճնշման լծակները ՏԻՄ-երի վրա՝ կենտրոնական եւ համայնքային իշխանությունների միջեւ ստեղծելով ենթակա-ստորադասի հարաբերություններ:

Վերջին այդպիսի քայլերից է ՀՀ տարածքային կառավարման եւ զարգացման նախարարության (ՏԿԶՆ) նախաձեռնությունը՝ օրենքով ստեղծելու մեխանիզմներ պետական կառավարման մարմինների կողմից համայնքի ղեկավարի նկատմամբ պաշտոնանկության գործընթաց սկսելու վերաբերյալ: Ընդ որում, հատկանշական են այն հիմքերը, որոնք ընկած են պաշտոնանկության գործընթացը նախաձեռնելու համար:

*(Այդ հիմքերի վերլուծությունը կարող էք կարդալ թերթի 3-րդ էջում՝ «Ինչպես ՏԻՄ-երը դարձնել խորհրդային պետական մարմիններ»):*

Առաջարկվող օրենսդրական փոփոխություններով կոպտորեն խախտվում են ՀՀ Սահմանադրությամբ, միջազգային փաստաթղթերով ու նորմերով սահմանված տեղական ինքնակառավարման ինքնուրույնության, ՏԻՄ-երի լիազորությունների ամբողջականության ու բացառիկության, նրանց գործունեության նկատմամբ իրավական եւ մասնագիտական հսկողության համաչափության, համայնքների բյուջեների ինքնուրույնության սկզբունքները, իսկ նմանատիպ օրենսդրական նախաձեռնությունների ընդունումը Հայաստանում ՏԻՄ-երին աստիճանաբար կվերածի խորհրդային ժամանակների պետական կառավարման տեղական մարմինների:

Մենք խորապես համոզված ենք, որ համայնքի ղեկավարի լիազորությունների դադարեցումը պետք է իրականացվի միայն դատական կարգով՝ համապատասխան հիմքերի առկայության դեպքում, երբ դատարանի կողմից կայացված վճռով վերջինիս գործունեությունը կճանաչվի հակաօրինական, իսկ կայացրած որոշումները՝ ՀՀ Սահմանադրությանն ու օրենսդրությանը հակասող:

Վ. ՄՈՎՍԻՍՅԱՆ  
Վ. ՇԱՀԱՎԱԶՅԱՆ  
Դ. ՄԱՐԳԱՐՅԱՆ

Խմբագրական խորհրդի անդամներ

### ՀԱՄԱՅՆՔՆԵՐԻ ՖԻՆԱՆՍԻՍՏՆԵՐԻ ՄԻԱԿՈՐՈՒՄ՝ ԳԱՂԱՓԱՐԻ ՎՐԱ ՀԻՄՆՎԱԾ ԵՎ ՄԱՍՆԱԳԻՏԱԿԱՆ ԿԱՐԾԻՔԻ ՀԵՏԵՎԻՑ ԳՆԱՑՈՂ ԿԱԶՄԱԿԵՐՊՈՒԹՅՈՒՆ



Հունիսի 11-ին, Թեքեյան կենտրոնում տեղի ունեցավ «Համայնքների ֆինանսիստների միավորում» ՀԿ-ի (ՀՖՄ) 9-րդ համաժողովը, որին մասնակցում էին ՀՀ Տարածքային կառավարման եւ զարգացման (ՏԿԶՆ) առաջին փոխնախարար Վաչե Տերտերյանը, ՀՖՄ անդամներ, հյուրեր:

Ողջունելով ներկաներին, ՀՖՄ նախագահ Վահան Մովսիսյանը մասնավորապես նշեց. «20 տարի առաջ մի խումբ երիտասարդներ, որոնք այսօր այստեղ են, որոշեցին ստեղծել համայնքների ֆինանսիստների կազմակերպություն եւ որոշեցին նաեւ, որ այն կայանալու է: Չգիտեմ ուրիշներն ինչպես, բայց ես հավատում էի, որ կազմակերպությունը կկայանա:

Լուսանկարային ռեպորտաժը՝ 4-5: էջ 2 →

### ԻՆՉՊԵՍ ՏԻՄ-ԵՐԸ ԴԱՐՁՆԵԼ ԽՈՐՀՐԴԱՅԻՆ ՊԵՏԱԿԱՆ ՄԱՐՄԻՆՆԵՐ

ՏԻՄ-երը, համաձայն ՀՀ օրենսդրության, առաջնային մանդատով օժտված պաշտոնյաներ են, որոնք ընտրվում են բնակիչների կողմից կայացած ուղղակի ընտրությունների արդյունքում (բացառությամբ Երեւան, Գյումրի եւ Վանաձոր համայնքների ղեկավարների): Այդպիսի մանդատով են օժտված նաեւ ՀՀ Ազգային ժողովի պատգամավորները եւ ՀՀ Նախագահը, որոնց լիազորությունների դադարեցման հիմքերը սահմանված են բացառապես ՀՀ Սահմանադրությամբ:

Հատկանշական է, որ ՀՀ կառավարության կողմից համայնքի ղեկավարին պաշտոնանկ անելու դրույթը (ՀՀ սահմանադրական դատարանի եզրակացության հիման վրա) ամրագրված էր դեռեւս չփոփոխված՝ 2005թ. Սահմանադրությամբ: Սակայն ՀՀ գործող Սահմանադրությունում համայնքի ղեկավարին պաշտոնանկ անելու նախաձեռնության վերաբերյալ որեւէ դրույթ չկա:

ՀՀ տարածքային կառավարման եւ զարգացման նախարարության (ՏԿԶՆ) կողմից առաջարկվող փաթեթում նախատեսվում է համայնքի ղեկավարի պաշտոնանկության գործընթացի նախաձեռնություն՝ նորից ՀՀ Սահմանադրական դատարանի եզրակացության հիման վրա: էջ 3 →

← էջ 1

2018թ. լրանալու է ՀՀ ՄԿԿ-ի 20-ամյակը, և գալիք տարվա կոնֆերանսում դնելու ենք մեր կազմակերպության կայացման ամենամեծ կնիքը:

Մենք՝ ձեզ հետ միասին, կարողացանք ստեղծել մի կազմակերպություն, որը ոչ մեկին չէ, այլ՝ բոլորին: Ծիշտ է, հաճախ առաջին դեմքը կամ վարչության անդամներն ավելի շատ են երեւում ասպարեզում, բայց ոչ մեկը չի կարող ասել, որ ՀՀ ՄԿԿ-ն պատկանում է ինչ-որ մեկին, և դա մեր ամենամեծ հաջողությունն է:

Հաճախ ՀՀ-ներ ստեղծվում են դրամաշնորհի շահելու, ինչ-որ խնդիր լուծելու կամ մի գործ ստեղծելու համար, բայց մենք գաղափար ունենք, որի շուրջ համախմբվել ենք, որը միավորում է մեզ:

Պարոն Մովսիսյանը ցավով խոսեց այդ գաղափարի նվիրյալներ, երջանկահիշատակ Մովսես Մովսիսյանի ու Դավիթ Թումանյանի մասին՝ կարեւորելով նրանց ունեցած ավանդը ՀՀ գործունեության ընթացքում: «Դ. Թումանյանն այն մարդն է, որը հղկել է մեր փորձագետներին և լինելով կազմակերպության հիմնադիր՝ եղել է մեր բոլորի ուսուցիչը»,- նշեց բանախոսը: Վերջինս հավելեց, որ այսօր շատ հարցեր քննարկելիս ՀՀ յուրաքանչյուր անդամ մտածում է՝ ինչպե՞ս կվարվեր պարոն Թումանյանը նման դեպքերում:

«Ես երջանիկ եմ, որ կարողացել ենք այս կառույցը ստեղծել ու պահել և երջանիկ եմ, որ ինձ բախտ է վիճակվել 19 տարի ղեկավարել այս կազմակերպությունը»,- ամփոփեց իր ելույթը ՀՀ ղեկավարը:

Տեղական ինքնակառավարման համակարգի կայացման ու զարգացման գործում ՀՀ ղեկն արժեւորեց ու բարձր գնահատեց նաև ՏԿԶ առաջին փոխնախարար Վ.Տերտերյանը:

«Ձեզ հետ հանդիպումներին ես միշտ ավելի հանգիստ եմ, որովհետև ձեզանից շատերի հետ գործնական հարթությունում մեր հարաբերությունները երկար տարիների պատմություն ունեն: Այս թիմի շատ անդամներ իրենց ակտիվ մասնակցությունն են ունեցել տարբեր տարիներին իրականացված բազմաթիվ գործընթացներին: Համակարգային բոլոր գործընթացները եղել են ձեր կազմակերպության ու անդամների ուշադրության կենտրոնում, բայց թիրախային, մասնավորապես՝ ֆինանսական ապակենտրոնացման հարցերը մշտապես ու առավելապես են հետաքրքրել ձեզ:

Ձեր կազմակերպությունը շահեկանորեն բնութագրվում է իր համաչափ ու պրոֆեսիոնալ աշխատանքով: Այսօր կարող ենք փաստել, որ տեղական ինքնակառավարման ֆինանսական բլոկում ունենք ձեռավորված իրավական օրենսդրական դաշտ, ունենք ավանդույթներ, ունենք բարձրորակ մասնագետների թիմ, և այս ամենը գրավական է այն բանի, որ տեղի է ունենում տեղական ինքնակառավարման այնպիսի մի կարեւոր ինստիտուտի շարունակական զարգացում, ինչպիսին ֆինանսական կառավար-

# ՀԱՄԱՅՆՔՆԵՐԻ ՖԻՆԱՆՍԻՍՏՆԵՐԻ ՄԻԱԿՈՐՈՒՄ՝ ԳԱՂԱՓԱՐԻ ՎՐԱ ՀԻՄՆՎԱԾ ԵՎ ՄԱՍՆԱԳԻՏԱԿԱՆ ԿԱՐԾԻՔԻ ՀԵՏԵՎԻՑ ԳՆԱՑՈՂ ԿԱԶՄԱԿԵՐՊՈՒԹՅՈՒՆ

րումն է»,- ասաց Վ. Տերտերյանը:

Այս համատեքստում փոխնախարարը հիշատակեց ՀՀ փորձագետների կողմից մշակված «Ֆինանսական համահարթեցման մասին» ՀՀ օրենքը:

Վերջինս նշեց, որ դա ոչ միայն օրենք է, այլ նաև՝ մոտեցում, գաղափարախոսություն, որովհետև ՀՀ ՏԿԶ տարիների համագործակցության, ինչպես

նաև քննադատական մոտեցումներ, որովհետև դրանք էլ են օգնում ճիշտ որոշումներ կայացնել: ՀՀ ՄԿԿ-ն ռեալ կյանքով, ռեալ խնդիրներով ապրող ու աշխատող կառույց է»:

Փոխնախարարը հատուկ շեշտադրեց նաև ուսանողների, փորձագետների, ոլորտով հետաքրքրվող մարդկանց հետ՝ կազմակերպության ինտենսիվ ու ակտիվ շփումը, «որը ձեզ եր-

ծրագրի շրջանակներում ՀՀ փորձագիտական թիմի կողմից մշակվել է և շուտով կտպագրվի «Համայնքի ավագանու կիստի օրակարգում հարց ընդգրկելու նախաձեռնության կազմակերպման և իրականացման» ուղեցույցը: Պատրաստ է նաև մոնիտորինգի գեկույցը, որը տարիներ շարունակ մշակել ու խմբագրել է Դ. Թումանյանը, իսկ ներկայումս այդ պա-

դարձել ՀՀ ՄԿԿ-ի անդամակցության հարցի վրա. քանի որ «Հասարակական կազմակերպությունների մասին» օրենքում կատարված փոփոխություններից հետո այլևս չկա իրավաբանական և ֆիզիկական անձանց միություն, ապա պետք է փորձել կազմակերպության շարքեր ներգրավել բոլոր համայնքներին, նրանց ֆինանսական ծառայությունները:

Վերոնշյալ օրենքի փոփոխություններով պայմանավորված՝ ՀՀ կանոնադրությունը եւս ենթարկվել է փոփոխությունների, որոնց մասին ներկայիս տեղեկացրեց ՀՀ ՄԿԿ նախագահի տեղակալ Աբրահամ Արտաշեսյանը: Փոփոխություններից մեկը վերաբերում է այն դրույթին, որ ՀՀ-ներն այսուհետ իրավունք ունեն զբաղվելու ձեռնարկատիրական գործունեությամբ, իսկ մեկ այլ կետով հստակեցվել են կամավոր աշխատանքի սկզբունքները: Կանոնադրությունում ավելացվել է մեկ կետ, որը վերաբերում է կազմակերպության անդամների կողմից տեղական ինքնակառավարման մարմինների ընտրություններում մոնիտորինգի իրականացմանը, իսկ մեկ այլ փոփոխություն էլ առնչվում է ՀՀ անդամակցությանը (այս մասին առավել մանրամասն ներկայացվել է թերթի նախորդ համարում):

Համաժողովի ընթացքում ներկայացվեց նաև կազմակերպության վերստուգիչ հանձնաժողովի հաշվետվությունը, ընդունվեց որոշում ՀՀ անդամակցության ժամանակավոր հարցաքննության մասին, ինչպես նաև տեղի ունեցավ ՀՀ ՄԿԿ նախագահի, վարչության և վերստուգիչ հանձնաժողովի անդամների ընտրություն:

ՀՀ վարչության անդամներ ընտրվեցին՝ Վահրամ Շահբազյանը, Նորա Ղուկասյանը, Աբրահամ Արտաշեսյանը, Մեյրան Մարկոսյանը, Տիգրան Բրսիկյանը, Գոհար Դավթյանը, Կարեն Հովհաննիսյանը, Լեւոն Թումանյանը, Ռուբեն Հայրապետյանը, Դավիթ Մարգարյանը, Քնարիկ Այվազյանը, Արծրունի Իգիթյանը, Աննա Չոբանյանը և Ալիսա Միրումյանը, վերստուգիչ հանձնաժողովի անդամներ՝ Կառլոս Թումանյանը, Անահիտ Մարգարյանը և Արմա Մովսիսյանը:

Փակ գաղտնի քվեարկության արդյունքներով, կազմակերպության նախագահ վերընտրվեց առաջադրված միակ թեկնածուն՝ Վահան Մովսիսյանը, որը շնորհակալությամբ ստանձնեց արդեն 19 տարի իրեն վստահվող այս պատասխանատու պաշտոնը:



նաև ՀՀ անդամների հետևողական աշխատանքի արդյունքում տեղի է ունեցել մշակութային փոփոխություն, և անցում է կատարվել ավելի բազմագործոն, ավելի թիրախային գնահատման համակարգի:

ՀՀ գործադիր մարմնի ներկայացուցիչն անդրադարձավ նաև այսօր շարունակական բնույթ կրող վարչատարածքային բարեփոխումների գործընթացին, որին եւս ՀՀ ՄԿԿ-ն ակտիվ մասնակցություն ունի: «Ձեր կազմակերպությունը եղել է այս ռեֆորմի ակունքներում, հաշվի առնելով հանրային, որոշակի առումով նաև մասնագիտական հանրույթի սկեպտիկ վերաբերմունքը ռեֆորմին, որովհետև չէր գնացել ավելի ակնաչափաճ կամ պոպուլիստական դիրքորոշման, այլ գնացել էր մասնագիտական կարծիքի հետևից՝ կարեւորելով այն արժեքը, որ կառավարման համակարգում պետք է տեղի ունենան փոփոխություններ, իսկ փոփոխությունների ժամանակակից թրեյնը կառավարման սուբյեկտների խոշորացումն է», - իր ելույթում նշեց բանախոսը: Վերջինս հավելեց, որ «ամենուրեք շատ բան կա, և շատ լավ է, որ մենք պատրաստակամ ենք խնդիրները միասին լուծել, լսել

կար տարիներ քայլելու հնարավորություն տվող էլեմենտներից մեկն է»:

Առաջնորդվելով օրակարգով, տեղի ունեցավ համաժողովի ղեկավար մարմինների՝ նախագահություն, քարտուղարություն, մանդատային և հաշվիչ հանձնաժողովի ձեռավորում: Այնուհետև ներկայացվեց հաշվետու ժամանակաշրջանում ՀՀ վարչության գործունեությունը, որն իրենից ներկայացնում էր ՀՀ բազմաբովանդակ ու լայնածավալ աշխատանքների ամփոփ պատկերը:

Ներկայացնելով ՀՀ վարչության հաշվետվությունը՝ կազմակերպության նախագահը շեշտադրեց հատկապես ԱՄՆ ՄԶԳ աջակցությամբ իրականացվող ՀՀ ՄԿԿ ծրագրի շրջանակներում կատարված աշխատանքները: Վերջինս նշեց. «Ծրագիրը մեզ հնարավորություն տվեց ավելի շատ ընդլայնվել, ավելի սերտ աշխատել համայնքների հետ, որի բաղադրիչները մեզ ավելի ճանաչելի դարձրին»: Որպես կարելուհամար բաղադրիչ հիշատակվեց նաև «Համայնք-ՀամաՏեղ» բազմապարսպ պաշտոնաթերթը, որն անդրադարձնում է ՏԿ օրոտին անչվող մի շարք հարցերի և անվճար տրվում է բոլոր համայնքներին:

տասնամյա զործը շարունակում է ՀՀ ավագ փորձագետ Վահրամ Շահբազյանը: Խոսելով այս գեկույցի մասին, պարոն Մովսիսյանը հպարտությամբ փաստեց, որ Արեւելյան գործընկերության շատ երկրներում չկա նման նախադեպ՝ ամեն տարի տպագրել ՏԿ տարեկան գեկույց: Նա ավելացրեց, որ ՀՀ փորձագիտական թիմի ջանքերով իրականություն դարձավ Դ. Թումանյանի երազանքը. շուտով կտպագրվի մոնիտորինգի նաև թվային գնահատման մեթոդաբանությունը:

Հաշվետու ժամանակաշրջանում ՀՀ ՄԿԿ-ն սերտորեն համագործակցել է Գերմանիայի միջազգային համագործակցության ընկերության (GIZ), ՅՈՒՆԻՍԵֆ-ի, ինչպես նաև «Բաց հասարակության հիմնադրամներ-Հայաստան» կազմակերպության հետ: ՀՀ ՄԿԿ նախագահը նշեց, որ այս համագործակցությունների արդյունքում իրենց կազմակերպության փորձագետներն աշխատել են նաև կրթության ոլորտում, մշակել են մի համակարգ, որի շնորհիվ կլուծվեն փոքր բնակավայրերի 10-ից պակաս մակապարտեզի տարիք ունեցող երեխաների կրթության հարցերը:

Վ. Մովսիսյանն առաջարկեց նաև հատուկ ուշադրություն

ժիրայր Ղազարյան
Լոռու մարզպետարանի աշխատակազմի տեղական ինքնակառավարման և հանրապետական գործադիր մարմինների հետ հարցերով վարչության տեղական ինքնակառավարման և համայնքային ծառայության հարցերի բաժնի պետ



«Տարիների ընթացքում ՀՀ-ն ապացուցեց, որ ինքը ՏԻ համակարգում ունի ինքնուրույն ձեռագիր: Կյանքը ցույց տվեց, որ այս կազմակերպության կողմից մշակված օրենսդրական նախաձեռնությունները, ինչպես նաև այս կամ այն օրենքի նախագծի վերաբերյալ արտահայտած փորձագիտական կարծիքներն ավելի ճիշտ էին ու իրատեսակ: Մասնավորապես ուզում եմ հիշատակել տարիներ առաջ ՀՀ կողմից մշակված «Ֆինանսական համահարթեցման մասին» օրենքը, որը միայն վերջերս օրենքի ուժ ստացավ: Եվ ողջունելի է, որ կազմակերպությունը կարողացավ հաղթահարել այսպիսի փորձություն, եւ վստահ եմ, որ երբ այս օրենքը լիարժեք գործի, կբերի համայնքների համաչափ զարգացմանը եւ կնպաստի ՏԻ ավելի արդյունավետ կայացմանը: ՀՀ-ն միշտ աջակցում է մեր

«ՀՀ-Ն ՄԻՇՏ ԵՂԵԼ Ե ՀԱՄԱՅՆՔՆԵՐԻ ԿՈՂՔԻՆ»

մարզի համայնքներին մասնագիտական խորհրդատվական հարցերով, եւ սա շատ ողջունելի է ու գնահատելի, որովհետեւ զուտ մասնագիտական առումով այսօր չունենք այլ ՀՀ-ներ, որ այսպիսի ծանրակշիռ ներդրում ունենան համայնքային զարգացման հարցերում: Համայնքների ղեկավարները եւս բարձր են գնահատում ՀՀ աջակցությունը, կարելու էր այն հանգամանքը, որ մասնագիտական թիմի անդամները տիրապետում են իրավիճակին եւ միշտ պատրաստակամորեն օգնում են ու աջակցում»:

Սեյրան Մարկոսյան
ՀՀ վարչության անդամ



«Այսօր Հայաստանում գործող ու կայացած ՀՀ-ների շարքում ՀՀ-ն հաստատապես առաջիններից մեկն է, որովհետեւ մեծ գործունեություն է ծավալել, մեծ աշխատանք է կատարել ՏԻ կայացման գործում: Կարելու է շեշտադրել այն հան-

գամանքը, որ ֆինանսական բյուջեի գառ, կազմակերպությունն այսօր հմտորեն աշխատում է նաեւ այլ ոլորտներում եւս, որովհետեւ ունի լավ, պատրաստված մասնագետներ:

Գաղտնիք չէ, որ պետական գերատեսչություններն այսօր մեր կարծիքն են հարցնում, մեր կազմակերպության հետ հաշվի են ստում, իսկ սա գալիս է ՀՀ արդյունավետ ու նպատակային աշխատանքից»:

Արծրունի Իգիթյան
Ախուրյան համայնքի ղեկավար
ՀՀ վարչության անդամ




«ՀՀ-ի հետ սկսել եմ համագործակցել դեռեւս տեղական ինքնակառավարման մարմինների ձեւավորման տարիներից, եւ այն փաստը, որ մինչեւ օրս շարունակում եմ անդամակցել այս կազմակերպությանը, գալիս է ապացուցելու, որ կառույցը կարելու էր դեր ու նշանակություն ունի ՏԻ համակարգում: Ասեմ ավելին՝ ՀՀ-ին ան-

դամակցում է մեր համայնքը եւս, նաեւ համայնքապետարանի հաշվապահը:

Պարբերաբար եղել եմ ՀՀ վարչության անդամ, ակտիվորեն մասնակցել կազմակերպության գործունեությանը, օրենսդրական նախաձեռնությունների մշակման գործընթացին:

Եվ որպես ՏԻ ոլորտի ներկայացուցիչ՝ համայնքի ղեկավար, անգնահատելի եմ համարում մեր համակարգում ՀՀ-ի ունեցած ներդրումն ու աշխատանքը, առավել եւս օրենսդրական դաշտում ակտիվ մասնակցությունը: ՀՀ-ն միշտ եղել է համայնքների կողքին, աշխատել նրանց բարօրության համար»:

Աննա Զոբանյան
Աբովյանի քաղաքապետարանի ֆինանսատնտեսագիտական բաժնի պետի տեղակալ
ՀՀ վարչության անդամ



«Համայնքների եւ ՀՀ համագործակցությունն, իմ կարծիքով, բավական արդյունավետ է

եւ երբ չգիտես՝ որտեղից ստանալ ոլորտին վերաբերող այս կամ այն հարցի պատասխանը, կազմակերպության փորձագետները միշտ պատրաստակամորեն օգնում են:

Արդեն երրորդ անգամ ընտրվեցի ՀՀ վարչության կազմում, որի համար շնորհակալ եմ եւ ուրախ: Իմ անդամակցությունն այս կազմակերպությանը դրականորեն է անդրադառնում նաեւ աշխատանքի վրա, որովհետեւ կազմակերպությունում ծանոթանալով օրենսդրական փոփոխություններին, նախաձեռնություններին՝ աշխատավայրում ավելի արագ ու հեշտ եմ կողմնորոշվում:

Գոհար Դավթյան
Դիլիջանի քաղաքապետարանի ֆինանսական բաժնի պետ
ՀՀ վարչության անդամ



«Շատ կարելու է եմ ՀՀ գործունեությունը, նրա ունեցած դերակատարումը ՏԻ ոլորտում:

ՀՀ փորձագիտական թիմը կարծես մեր փրկության օղակը լինի. ցանկացած պահի կարող ենք դիմել համակարգին առնչվող հարցերով ու ստանալ սպառնալից պատասխան: Սա, անշուշտ, շատ ողջունելի է ու գնահատելի»:

Հ. ԲԵՐՈՒՅԱՆ

← Էջ 1

ԻՆՉՊԵՍ ՏԻՄ-ԵՐԸ ԴԱՐՁՆԵԼ ԽՈՐՀՐԴԱՅԻՆ ՊԵՏԱԿԱՆ ՄԱՐՄԻՆՆԵՐ

Սակայն ՀՀ Սահմանադրության 167-րդ հոդվածի 3-րդ մասում ամրագրված է, որ Սահմանադրական դատարանի լիազորությունները սահմանվում են Սահմանադրությամբ, ՀՀ Սահմանադրության 168-րդ հոդվածում սահմանված են Սահմանադրական դատարանի լիազորությունները, որտեղ համայնքի ղեկավարի պաշտոնանկության վերաբերյալ եզրակացություն տալու լիազորություն չկա: Հետեւաբար, ՀՀ Սահմանադրական դատարանը համայնքի ղեկավարի լիազորությունների դադարեցման կամ նրան պաշտոնանկ անելու վերաբերյալ եզրակացություն տալու սահմանադրական իրավունք չունի: Ներկայացված փաթեթի հաջորդ դրույթները վերաբերում են համայնքի ղեկավարի պաշտոնանկության վերաբերյալ առաջարկություն ներկայացնող մարմիններին եւ այդ գործընթացի կանոնակարգմանը:

Առանձին դիտարկման են արժանի օրենսդրական փոփոխությունների նախագծերով առաջարկվող՝ համայնքի ղեկավարի պաշտոնանկությունը նախաձեռնելու հիմքերը՝

ա) դատարանի՝ օրինական ուժի մեջ մտած որոշումները՝ անվավեր ճանաչելու համայնքի ղեկավարի՝ ՀՀ օրենսդրությանը հակասող երկու եւ ավելի որոշումները:

Որպես օրինակ, հիշենք ՀՀ վարչական դատարանի կայացրած բազմաթիվ որոշումները Երեւան քաղաքում ավտոկայանատեղերի («կարմիր գծերի») հետ կապված Երեւան համայնքի ղեկավարի կայացրած որոշումները անվավեր ճանաչելու վերաբերյալ: Արդյո՞ք սա պետք է բավարար հիմք համարել Երեւանի քաղաքապետի պաշտոնանկության նախաձեռնության համար:

բ) Համայնքի ղեկավարի կողմից «հարկային եկամուտները, տեղական տուրքերը եւ վճարները հարյուր տոկոսով չհավաքագրելու դեպքը: Արդյո՞ք համայնքի ղեկավարի կողմից համայնքի բյուջեում պլանավորված հարկային եկամուտների, տեղական տուրքերի եւ վճարների 1-2% չհավաքագրումը համաչափ է այն հանրային շահի պաշտպանությանը, ինչը հիմք ընդունելով կարելի է սկսել համայնքի ղեկավարի պաշտոնանկության գործընթաց: Ավելին, տեղական հարկերը ինքնահարկվող են եւ հարկատուները հաճախ հարկերի վճարման ուշացումները գիտակցաբար փոխհատուցում են տույժերի եւ տուգանքների տեսքով:

Նախագծում նշված այս հիմքը պարունակում է համայնքի կառավարման լրջագույն ռիսկեր, ինչպիսիք են բյուջեի եկամուտների կանխամտածված թերապակավորումը եւ հաշվետու տարվա ընթացքում բյուջեի սեփական եկամուտների պլանային ցուցանիշների ճշգրտումը՝ վերջիններս համապատասխանեցնելով դրանց գանձման փաստացի իրավիճակին: Չպետք է մոռանալ նաեւ, որ բյուջեի պլանավորված եկամուտները հավաքագրելը ենթադրում է նաեւ այդ գծով վարչական եւ դատական վարույթների իրականացում, ուստի տարեվերջին հնարավոր է նաեւ պլանավորված եկամուտների

մասնակի չհավաքագրում՝ դատական եւ վարչական վարույթներում գտնվող գործերի մասով:

գ) Համայնքի ղեկավարի կողմից «համայնքի բյուջեի կատարումը չապահովվել է»:

«Հայաստանի Հանրապետության բյուջետային համակարգի մասին» ՀՀ օրենքի 15-րդ եւ 33-րդ հոդվածները հստակորեն սահմանում են, թե ինչ է նշանակում բյուջեի կատարումը եւ թե ինչ առանձնահատկություններ ունի այն: Ըստ օրենքի՝ բյուջեի կատարումը մուտքերի ձեւավորման եւ ելքերի իրականացման կանոնակարգված գործունեությունն է: Ստացվում է, որ համայնքի ղեկավարի պաշտոնանկության գործընթաց կարելի է սկսել վարչական գործառնությունները պատշաճ չկատարելու համար: Եթե օրենքի փոփոխությունը նպատակ ունի բարելավելու բյուջեի կատարման արդյունավետությունը, ապա բյուջեի կատարման եռամսյակային հաղորդումները, եւ՝ համայնքի ավագանուն, եւ՝ մարզպետարանին ներկայացնելը արդյո՞ք բավարար չեն, որպեսզի տարվա ընթացքում շտկվի կամ կարգավորվի «անարդյունավետ» բյուջետավարումը:

դ) Համայնքի ղեկավարի կողմից «հաշվետու տարում համայնքի հնգամյա զարգացման ծրագրի իրականացումը չապահովվել»:

Համայնքի հնգամյա զարգացման

ծրագիրն, ըստ Եւրոպայի, տվյալ համայնքի ղեկավարի քաղաքական ծրագիրն է, եւ վերջինս չիրականացնելու դեպքում համայնքի ղեկավարը պատասխանատու է առաջին հերթին համայնքի բնակիչների՝ իր ընտրողների առջեւ եւ ոչ թե՛ պետական կառավարման մարմինների: Հարց է ծագում, թե քաղաքական եւ իրավական ո՞ր հիմքի վրա պետական կառավարման մարմինը պետք է իրավունք ունենա համայնքի ղեկավարի պաշտոնանկության գործընթաց սկսել՝ հիմնվելով այդ ծրագիրը տարեկան կտրվածքով չիրականացնելու վրա: Համայնքի ավագանու բացառիկ իրավասությունն է՝ քննարկել եւ հաստատել համայնքի հնգամյա զարգացման ծրագիրը եւ դրանում առաջարկվող փոփոխությունները, ինչպես նաեւ դրա իրականացման հաշվետվությունները՝ տարեկան եւ հնգամյա կտրվածքով: Հետեւաբար, հենց համայնքի ավագանին էլ պետք է իր վերաբերմունքն արտահայտի այդ ծրագրի ամբողջական կամ տարեկան կատարողականի նկատմամբ, ընդհուպ մինչեւ համայնքի ղեկավարին անվստահություն հայտնելու նախաձեռնությունը:

Վ. ՄՈՎՍԻՍՅԱՆ
Վ. ՇԱՀԱԿՅԱՆ
Դ. ՄԱՐԳՐԻՅԱՆ

Խմբագրական խորհրդի անդամներ



# ՀԱՄԱԳՅՆՔՆԵՐԻ ՖԻՆԱՆՍԻՍՏՆԵՐԻ ՄԻԱԿՈՐՈՒՄ.



Հայաստանի տարբեր մարզերից ժամանած ՀՖՄ անդամները համաժողովից առաջ հասցրին շփվել եւ գրուցել պատշգամբում....



....եւ դահլիճում:



Համաժողովի մասնակիցները գրանցվում են:



Նշանակված ժամին քվորումն էլ ապահովված է:



ՀՖՄ նախագահ Վահան Մովսիսյան. «Երջանիկ եմ, որ կարողացել եմք այս կառույցը ստեղծել ու պահել»:



ՀՀ Տարածքային կառավարման եւ զարգացման առաջին փոխնախարար Վաչե Տերտերյան. «ՀՖՄ-ն շահեկանորեն բնութագրվում է իր համաչափ ու պրոֆեսիոնալ աշխատանքով»:



ՀՖՄ նախագահի տեղակալ Արրահամ Արտաշեսյանը ներկայացնում է ՀՖՄ կանոնադրության փոփոխությունները:



Հարցի քվեարկությունն անցավ միաձայն:



ՀՖՄ վերստուգիչ հանձնաժողովի անդամ Խաչատուր Թումանյանը ներկայացնում է հանձնաժողովի հաշվետվությունը:



Փոխնախարար Վաչե Տերտերյան. «Ձեզանից շատերի հետ գործնական հարթությունում մեր հարաբերությունները երկար տարիների պատմություն ունեն»:



ՀՖՄ վարչության անդամ Սեյրան Մարկոսյան

# 9-ՐԴ ՀԱՄԱԺՈՂՈՎ



Համաժողովի մասնակիցները ծանոթանում են վերստուգիչ հանձնաժողովի հաշվետվությանը:



Ըվերարկում է ՀՀՄ վարչության անդամ Զնարիկ Այվազովան:



ՀՀՄ վարչության անդամ, փորձագիտական թիմի ղեկավար Վահրամ Շահբազյանը:



ՀՀՄ Նախագահ Վահան Մովսիսյանը ըվերարկության ժամանակ:



Մինչ հաշվիչ հանձնաժողովի իր գործն է անում, ՀՀՄ անդամները քննարկում են ...



... պատմում իրենց հոգսերից ...



... փաստաթղթեր ուսումնասիրում...



... լուսանկարվում ...



... գեղեցկացնում ՀՀՄ ֆոտոալբոմը:



Հաշվիչ հանձնաժողովն ավարտում է լարված աշխատանքը:



հնչալես եւ նախատեսված էր երրորդ տարվա աշխատանքային պլանով, հունիսի 18-21-ը Հայաստանում էր ՀամաՏեղ ծրագրի միջազգային փորձագետ, Լեհաստանի նախագահի խորհրդական, Եվրոպայի խորհրդի ֆինանսական եւ տարածքային հարցերով փորձագետ Պավել Սվիանեւիչը: Հունիսի 19-ին Համայնքների ֆինանսիստների միավորման գրասենյակում տեղի ունեցավ հանդիպում ՀամաՏեղ համընկերության անդամ կազմակերպությունների ներկայացուցիչների հետ:

Եթե անցյալ տարի փետրվարին կատարած այցելության նպատակը տեղական ինքնակառավարման ընթացիկ բարեփոխումներին ծանոթանալը եւ այդ բարեփոխումների համատեքստում միջազգային լավագույն փորձը ներկայացնելն էր, ապա այս անգամ փորձագետն ավելի շատ ինքը վերլուծեց մեր երկրում տեղական ինքնակառավարման ոլորտի բարեփոխումների ընթացքը: Մինչեւ այդ, սակայն, համընկերության անդամ կազմակերպության յուրաքանչյուր ներկայացուցիչ լեծ գործընկերոջը պատմեց ՀամաՏեղ ծրագրում իր կազմակերպության առաքելության եւ դերի մասին, ներկայացրեց այն գործողություններն ու միջոցառումները, որոնք ծրագրի շրջանակներում արդեն իսկ իրականացվել են, դրանց արդյունքների եւ հետագա անելիքների մասին:

Պ. Սվիանեւիչը ՀամաՏեղ-ի իր գործընկերների հետ բավական անմիջական եւ հանգամանալից խոսեց այն թերությունների եւ առավելությունների մասին, որոնցով ընթանում են բարեփոխումները Հայաստանում, ներկայացրեց այն հնարավոր լուծումները, որոնք միջոցով կարելի է առավել արդյունավետ իրականացնել դրանք:

Հայաստանյան փորձագետները հնարավորություն ունեցան տալու իրենց հետաքրքրող հարցերը եւ ստանալու դրանց պատասխանները: Ընդ որում՝ ոչ միայն լեծ փորձագետից, այլ նաեւ՝ ՀՀ տարածքային կառավարման եւ զարգացման նախարարի առաջին տեղակալ Վաչե Տերտերյանից: Բանն այն է, որ փոխնախարարի հանդիպումը միջազգային փորձագետի հետ թե՛ նախատեսված էր առանձին ՀամաՏեղ-ի հան-

# ՔՆՆԱՐԿՈՒՄ՝ ՀԱՄԸՆԿԵՐՈՒԹՅՈՒՆՄԻՋԱԶԳԱՅԻՆ ՓՈՐՁԱԳԵՏ-ՀՀ ՓՈԽՆԱԿԵՆԱՐԱՐ ԶԵՎԱԶԱՓՈՎ



դիպումից անմիջապես հետո, սակայն հետաքրքրությունների եւ մտահոգությունների ընդհանրությունը ստիպեց բոլոր ներկաներին շարունակել քննարկումն արդեն վերջինիս հետ միասին: Արդյունքում տեղի ունեցավ շատ ավելի բազմակողմանի եւ հանգամանալից քննարկում:

### Ա. ԳՐԻԳՈՐՅԱՆ

Պավել Սվիանեւիչը զգալի փորձ ունի տեղական ինքնակառավարման, ֆինանսական քաղաքականության, կառավարմանը համայնքների ներգրավման, տարածքային եւ ապակենտրոնացմանն ուղղված բարեփոխումների եւ միջհամայնքային համագործակցության ոլորտներում: 2006 թվականից աշխատում է Վարշավայի համալսարանում՝ որպես Աշխարհագրության ֆակուլտետի Տեղական ինքնակառավարման քաղաքականության եւ զարգացման

ամբիոնի ղեկավար, իսկ 2010-ից՝ որպես Լեհաստանի նախագահի խորհրդական: Պավել Սվիանեւիչը Եվրոպայի խորհրդի՝ ֆինանսական եւ տարածքային հարցերով փորձագետ է: Նախկինում եղել է Բրիտանիայի կառավարության միջազգային զարգացման բաժնի՝ Ուկրաինայում իրականացվող ֆինանսական ապակենտրոնացման ծրագրի փորձագետ, ՄԱԿ-ի Չարգացման ծրագրի՝ տարածքային կառավարման հարցերով փորձագետ Ալբանիայում, Հայաստանում, Ադրբեջանում, Վրաստանում, Թուրքմենստանում եւ Մակեդոնիայում: Տեղական կառավարման, ժողովրդավարության, ֆինանսների, ապակենտրոնացման եւ Արեւելյան ու Կենտրոնական Եվրոպայում անցումային շրջանի վերաբերյալ տասնյակ գրքերի եւ հոդվածների հեղինակ է:



## ՀԱՄԱՏԵՂ ԾՐԱԳՐԻ 2016-2017ԹԹ. ՄՐՑԱՆԱԿԱԿԻՐՆԵՐ



Արդեն երրորդ անգամ ՀամաՏեղ ծրագրի մրցանակն են ստանում հայաստանյան այն լրագրողներն ու լրատվամիջոցները, որոնք անցնող տարվա ընթացքում աչքի են ընկել տեղական ինքնակառավարման խնդիրների լուսաբանման ակտիվությամբ, այդ թեման հնարավորինս «բացելով» իրենց ընթերցողների համար եւ դրանով նպաստելով, ցավոք, ավանդաբար ոչ պոպուլյար համարվող այս թեմայի շուրջ՝ լսարանի իրազեկվածության բարձրացմանը:

2017թ. հունիսի 18-ին «Կոնգրես» հյուրանոցում տեղի ունեցավ Երեւանի մա-



մուլի ակումբի 22-րդ տարեդարձին նվիրված արարողությունը, որի ժամանակ հանձնվեցին ԱՄՆ ՄԶԳ ջեակցությամբ եւ Համայնքների ֆինանսիստների միավորման հետ համագործակցությամբ իրականացվող «Հանրային մասնակցություն տեղական ինքնակառավարմանը» (ՀամաՏեղ) ծրագրի, ինչպես նաեւ՝ ԵՄԱ ամենամյա մրցանակները:

Նկատի ունենալով այն հանգամանքը, որ գոյատեման եւ զարգացման շատ ավելի դժվար պայմաններում են մարզային լրատվամիջոցները, այս տարի մրցույթի ժյուրին հատկապես ուրախ էր՝ առանձնացնելու Ալվաբերդու «Անկյուն գումարած 3» հեռուստաընկերությունը: Հենց վերջինը համայնքային եւ տեղական ինքնակառավարման համակարգի խնդիրները հետետողականորեն լուսաբանելու համար ՀամաՏեղ ծրագրի շր-

ջանակներում արժանացավ Երեւանի մամուլի ակումբի եւ Համայնքների ֆինանսիստների միավորման մրցանակին: Մրցանակը հանձնեց Համայնքների ֆինանսիստների միավորման նախագահ Վահան Մովսիսյանը: Վերջինս, շնորհավորելով հեռուստաընկերության ներկայացուցիչ Անժելա Մամաջանյանին, իր խոսքում կարեւորեց լրատվամիջոցների դերը տեղական ինքնակառավարման ոլորտի բարեփոխումների իրականացման հարցում, ինչպես նաեւ մադթեց առավել արդյունավետ աշխատանք, ինչը կնպաստի տեղական ինքնակառավարմանը հանրային մասնակցայնության աստիճանական բարելավմանը: Իսկ տեղական ինքնակառավարման համակարգի բարեփոխումների թեմային հավատարմության համար մրցանակին արժանացավ «Հետք» առցանց պարբերականի թղթակից Երանուհի Սողոյանը: Վերջինիս քննադատական հոդվածները ոլորտի բարեփոխումների ընթացքից գրեթե բոլոր խոշորացվող փնջերից Էականորեն նպաստում են դրանց շուրջ հանրային իրազեկվածության բարձրացմանը եւ ծագող հիմնախնդիրների վերհանմանը: Ե. Սողոյանին մրցանակը հանձնեց «Համայնք-ՀամաՏեղ» թերթի խմբագիր Արեւիհատ Գրիգորյանը:

# ԹՈՒՄԱՆՅԱՆ ԲԱԶՄԱԲՆԱԿԱԿԱՎՅՐ ԶԱՄԱՅՆՔԸ ԽՈՇՈՐԱՑՈՒՄԻՑ ԶԵՏՈՒ



**2016թ. փետրվարի 14-ին կայացած ՏԻՄ ընտրությունների արդյունքում ձեռնարկված երեք բազմաբնակավայր համայնքներից մեկը Թումանյանն է: Համայնքի կազմում ընդգրկվեցին մեկ քաղաքային և վեց գյուղական բնակավայրեր: Թումանյան բազմաբնակավայրի ներկայի և առաջիկա ծրագրերի մասին «Համայնք-ՀամաՏեղը» գրուցեց համայնքապետ Լեոն Զավարյանի հետ:**

**- Պարոն Զավարյան, արդեն մեկուկես տարի է, ինչ ձեռնարկվել է Թումանյան բազմաբնակավայր համայնքը: Ի՞նչ եք հասցրել անել այս ժամանակաշրջանում:**

- Մեկուկես տարին այնքան էլ մեծ ժամանակ չէ նոր կազմավորված բազմաբնակավայր, բազմահոգս համայնքի համար, բայց մի շարք ծրագրեր արդեն հասցրել ենք իրականացնել: Մեր գործունեության ընթացքում մինչև այսօր առաջնորդվել ենք և առաջիկա մի քանի տարիներին ևս առաջնորդվելու ենք համայնքի զարգացման հնգամյա ծրագրով, որը կազմվել է մշակվել է բազմաթիվ քննարկումների արդյունքում. հանդիպել ենք բոլոր բնակավայրերի բնակիչների հետ, լսել նրանց բարձրագույն խնդիրները, որոնք ըստ առաջնահերթության ներառվել են մեր ծրագրում:

2016թ. վերանորոգել ենք Լորուտի մանկապարտեզն ու Շահմուտի հանդիսությունների սրահը, իսկ Աթանու էլ Մարցում իրականացվել են ջրագծի վերանորոգման աշխատանքներ, բարեկարգվել են Անիծորի և մյուս բնակավայրերի՝ դեպի սարեր տանող ճանապարհները: Նախորդ տարվա ընթացքում մեր առաջնային քայլերից մեկը եղավ նաև Զարինջի հրապարակի բարեկարգումը, տեղադրվեցին բնակավայրի երկու հերոսների կիսանդրիները, որոնք հայտնի չէ՝ թե որքան ժամանակ դրված էին մի պատի տակ:

Այս տարվա ընթացքում արդեն մեկնարկել են ընթացքի մեջ են Զարինջի ջրագծի վերանորոգման աշխատանքները, իսկ Լորուտում դրանք արդեն ավարտվել են: Հուտով կավարտվի նաև Մարցի համայնքային կենտրոնի բարեկարգումը ևս:

2017թ. ընթացքում բավական մեծ ծրագիր է իրականացվելու Աթան բնակավայրում. վերանորոգվելու է նախկին մանկապարտեզի շենքը, որը չի գործել, և այստեղ լինելու է հանդիսությունների սրահ, նախակրթարան, վարչական ղեկավարի նստավայր և բուժկետ, որի վերանորոգման համար գումարը հատկացվել է Լոռու մարզպետարանի կողմից, իսկ նախակրթարանի բարեկարգմանը աջակցելու են Հայաստանի մանուկների հիմնադրամը և «Քայլ առ քայլ» բարեգործական հիմնադրամը:


Ի թիվս մի քանի այլ ծրագրերի, առաջիկայում բոլոր բնակավայրերի համար նախատեսվում ենք նաև կան-

գառների կառուցում, լուսավորության անցկացում, քանի որ այսօր միայն Թումանյանում և Մարցում կա գիշերային լուսավորություն:

Համայնքի համար կարելի է ձեռքբերում է ԱՄՆ ՄԶԳ կողմից, որպես խոշորացված համայնքի, մեզ տրամադրված տեխնիկական, որի անհրաժեշտությունը մեծ է բոլոր բնակավայրերում:

Տարիներ շարունակ այս բնակավայրերում գրեթե ոչինչ չի արվել, ու այսօր իրար հետեւից իրականացվում են մի քանի ծրագրեր: Սա, բնականաբար, համայնքների միավորման արդյունքում մեկտեղված բյուջեի շնորհիվ է, քանզի հիմնականում աշխատանքներն իրականացվում են համայնքային միջոցներով: Ավելին, փորձում ենք բոլոր բնակավայրերում հավասարաչափ ներդրումներ կատարել, որպեսզի բնակիչները չմտածեն, թե տարբերակում է դրվում այս կամ այն բնակավայրի միջև:

Փորձում ենք կամաց-կամաց հարթահարել դժվարությունները. մի քանի տարի անց, բոլոր նրանք, ովքեր քարկոծում էին համայնքների միա-



վորման գործընթացը, ընդունելու են, որ սխալվել են:

**- Ինչպիսի՞ դժվարությունների եք հանդիպում:**

- Դժվարություններ շատ կան: Ի սկզբանե բնակիչները վատ էին տրամադրված համայնքների միավորման հարցին, և սա բնական էր, որովհետեւ փորձ չկար, մարդիկ չէին պատկերացում, թե ինչ է իրենց սպասում: Կար ինֆորմացիայի պակաս, և կային մարդիկ, որոնք, այսպես ասած, ձեռնտու չէր համայնքների միավորումը, և իրենք էլ էին նպաստում, որ բնակիչները վատ տրամադրվեն:

Սկզբում բնակիչները դժգոհում էին, որ մի տեղեկանքի համար ստիպված պետք է կենտրոն հասնեն, սակայն բոլոր վարչական ղեկավարներն ունեն իրենց կնիքները, և բնակիչը տեղում ստանում է այդ տեղեկանքը: Կար կարծիք, որ են ավելի շատ ուշադրություն են դարձնելու Թումանյանի վրա՝ որպես այդ համայնքի նախկին ղեկավար, և իրենք բնակավայրերն անտեսվելու են: Բայց ժամանակի ընթացքում այդ կասածն էլ փարատվեց, որովհետեւ են շաբաթվա երեք օրն այդ բնակավայրերում եմ լինում, հետեւում կատարվող աշխատանքներին:

Դժվարություն է նաև այն, որ բնակիչ կողմից չկա սրտացավություն սեփական հողի նկատմամբ, մարդիկ գերադասում են անտառը հատելով ու փայտ վաճառելով օրվա հացի գումար վաստակել, քան՝ մշակել տնամերձ հողամասերը, որոնք անտերության են մատնված: Պետք է փոխել մարդկանց մտածելակերպը, պետք է համայնքի յուրաքանչյուր բնակիչ հա-

մայնքին վերաբերվի իր տան նման: Համայնքը բնակիչները պետք է ուղի կանգնեցնեն, համայնքի ղեկավարն ընդամենը նրանց օգնողն է...

Ամենամեծ խոչընդոտը, որը կարծում եմ, մյուս համայնքներում եւս կա, սեփական եկամուտների հավաքագրումն է: Կան բնակիչներ, որոնք տասնյակ տարիներ հողի հարկ չեն վճարել. փորձում ենք մարդկանց բացատրել, որ եթե չվճարեն, ապա ծրագրեր էլ չենք կարող իրականացնել: Կարծես թե սայլը տեղից շարժվել է, ու կամաց-կամաց կհասնենք դրական արդյունքի:

**- Ինչպիսի՞ն է համայնքի ղեկավար-վարչական ղեկավարներ համագործակցությունը:**

- Յուրաքանչյուր բնակավայրի խնդիրների բարձրաձայնման և դրանց լուծման ուղղությամբ հետեւողականություն ցուցաբերելու հարցում շատ կարեւոր է տվյալ բնակավայրը ներկայացնող ավագանու անդամի և վարչական ղեկավարի դերը, որին վերջերս տրվեց նաև ավագանու նիստերին հարց բարձրացնելու հնարավորություն: Յուրաքանչյուր շաբաթ

հավաքվում ենք, քննարկում արդեն արված և առաջիկայում նախատեսվող աշխատանքները: Ցավով եմ ուզում փաստել, որ որոշ վարչական ղեկավարներ անտարբերությամբ են վերաբերվում իրենց գործին. տարիներ շարունակ բնակավայրերում խնդիրները կուտակվել են նաև այսպիսի մոտեցման պատճառով:

Որպես համայնքապետ՝ խնդրել եմ բնակիչներին՝ ներկայացնել սրտացավ ու աշխատող մարդկանց, որոնք կփոխարինեն անպատասխանատու ղեկավարներին:

Ծիշտ չէր նաև նախկին համայնքապետերին որպես վարչական ղեկավարներ նշանակելը, որովհետեւ մարդիկ, որոնք դեմ էին վարչատարածքային բարեփոխումներին, այսօր չեն կարող նպաստել այդ գործընթացի հաջող իրականացմանը:

**- Որպես բազմաբնակավայր համայնքի ղեկավարման փորձ ունեցող համայնքապետ, ինչպե՞ս կզնախառնեք համայնքների խոշորացման գործընթացը:**

- Համայնքների միավորման անհրաժեշտությունը վաղուց կար, և դրա իրականացումը նպաստում է հատկապես փոքր բնակավայրերի զարգացմանը: Ես չեմ կիսում այն կարծիքը, որ խոշորացման արդյունքում բնակավայրերը դատարկվում են, բնակիչները տուժում են դրանից: Պետք է հասկանալ և ընդունել այն իրողությունը, որ համայնքների միավորման արդյունքում փոխվում է միայն կառավարման ապարատը, և ընդհանրապես պետք չէ վախենալ այս գործընթացից:

## «ՄԱՍՆԱԿՑԱՅԻՆ ԲԱԶԱՐԱՆ»



Հուլիսի 26-ին Զաջարանի համայնքապետարանի նիստերի դահլիճում կայացած ասուլիսի ժամանակ ՀԼՄ-ների ներկայացուցիչներին և շահագրգիռ կողմերին ներկայացվեցին Զաջարան համայնքում 300 բնակիչների և Զաջարանի ավագանու 10 անդամների հետ իրականացված հետազոտության արդյունքները: Հետազոտությունն անցկացվել է «Մասնակցային Զաջարան» ծրագրի շրջանակներում, որն իրականացվել է Կապանի քաղաքացիական-երիտասարդական կենտրոնի (Կապանի ԶԵԿ) նախաձեռնող թիմի կողմից: «Մասնակցային Զաջարան» իրականացվել է «Համայնքների ֆինանսիստների միավորում» ՀԿ-ի աջակցությամբ, ԱՄՆ Միջազգային զարգացման գործակալության կողմից ֆինանսավորվող ՀամաՏեղ ծրագրի շրջանակներում:

Սա ծրագրի ավարտին նախատեսված գործողություն էր: Այս կրկնակի հետազոտությունը նպատակ ուներ բացահայտելու նաև իրականացված ծրագրի արդյունավետությունը: Ըստ կազմակերպիչների ծրագիրն իր հիմնական նպատակին հասել է. բնակիչները տեղեկացված են ՏԻՄ-ից, համայնքի ավագանին գիտի իր լիազորությունները ու պարտականությունները, համայնքի երիտասարդները ակտիվ են և ներգրավված են ՏԻՄ-ի գործունեության մեջ:

ՆՆ ՍԱՐԳՅԱՆ

## Ներկայացվել է «Տեղական տնտեսական զարգացում» ձեռնարկը

Ս.թ. հուլիսի 17-ին Վայոց ձորի Վայք և Զառիթափ խոշորացված համայնքների ներկայացուցիչները ծանոթացել են «Տեղական տնտեսական զարգացում» ձեռնարկին: Միջոցառմանը ներկա են գտնվել ՀՀ տարածքային կառավարման և զարգացման նախարարության (ՏԿԶՆ) տեղական ինքնակառավարման վարչության պետ Աշոտ Գիլոյանը և Գերմանիայի միջազգային զարգացման ընկերության (ԳՄՀԸ) ծրագրի համակարգող Արմեն Զեշիշյանը:

Վերջիններս ողջույնի խոսքով հանդես են եկել ԳՄՀԸ «Լավ տեղական ինքնակառավարում Հարավային Կովկասում» ծրագրի «Տեղական տնտեսական զարգացման» բաղադրիչով իրականացվող՝ «Ծրագրային առաջարկների ձեռնարկման և լրացուցիչ միջոցների հայթայթման կարողությունների զարգացում» թեմայով վերապատրաստման դասընթացի ժամանակ:

Դասընթացին մասնակցել են նշյալ թեմաներով հետաքրքրված ու շահագրգիռ անձինք՝ գործարարներ, ՀԿ-ներ, ինչպես նաև Վայքի ու Զառիթափի համայնքապետարանների ներկայացուցիչներ:

Նման դասընթացներ անցկացվել են անցկացվելու են 18 խոշորացված համայնքների համար: Ի դեպ, 18 համայնք խմբավորվել են 10 խմբի մեջ, ինչպես, օրինակ՝ Վայքի և Զառիթափի դեպքում, որպեսզի հնարավորություն ստեղծվի համարդելու տարբեր համայնքների իրողությունները, հնարավորությունները, ռիսկերը, ինչպես նաև՝ համագործակցության ներուժը:

Հիշեցնենք, որ ԳՄՀԸ «Լավ տեղական ինքնակառավարում Հարավային Կովկասում» ծրագրի ֆինանսական և խորհրդատվական աջակցությամբ պատրաստված է Վարազդատ Կարապետյանի մշակած «Տեղական տնտեսական զարգացում» ձեռնարկի շնորհանդեսը տեղի է ունեցել ս.թ. հուլիսի 30-ին, Երեւանում:

## Հարգելի ընթերցող,

Ի՞նչ եք մտածում ամեն անգամ «Համայնք-ՀամաՏեղ» թերթը բացելիս, ի՞նչ անկախիքներ ու սպասումներ ունեք, ինչի՞ մասին եք ցանկանում կարդալ, բայց չեք գտնում այստեղ: Թերթի մասին ձեր կարծիքը շատ կարեւոր է մեզ համար: Գրեք մեզ հետեւյալ հասցեով՝ Երեւան, Երվանդ Զոհրաբի 20, 4-րդ հարկ կամ [madamyam@cofoamail.am](mailto:madamyam@cofoamail.am) էլ. փոստին:

ՀԱՄԱԿ ԵԵՐՈՒՅԱՆ

Քաղաքային  
ինքնավարության  
վերածնունդը  
միջնադարում

IX-XI դարերում արաբական տիրապետությունից ազատագրված Հայաստանում՝ Բագրատունիների օրոք, այս դրությունը փոխվում է: Ակադեմիկոս Բ. Առաքելյանն այս ժամանակահատվածը քաղաքների համար ամփոփում է հետևյալ կերպ. «9-րդ դարը հանդիսացել է գյուղից քաղաքի սահմանաբաժանման, իսկ 10-րդ դարը՝ Հայաստանում ֆեոդալական քաղաքի առաջացման ամենաբուռն ժամանակաշրջանը»: Իսկապես, երկրի անկախության վերականգնումը, հողատիրական խոշոր իշխանությունների գոյացումը, տնտեսական վերելքը, միջազգային տարանցիկ առևտրի վերականգնումը են այս առեւտրի մեջ Հայաստանի խաղացած բացառիկ դերը, աշխատանքի հասարակական բաժանումը, որը դրսևորվել է երկրագործությունից արհեստագործության և առևտրի անջատումով, նպաստել են նոր քաղաքների առաջացմանը, քաղաքային կյանքի զարգացմանը և քաղաքային դասի ձևավորմանը:

Ինչպես է առաջացել միջնադարյան քաղաքը: Ընդունված տեսակետի համաձայն՝ ամենատիպականը եղել է բերդավանքաղաք զարգացման ուղին: Վերածելով գյուղաքաղաքի, ապա քաղաք է դարձել բերդի առջև փոված ավանը, որը պարսպապատվել է, իսկ բերդը վերածվել ներքին բերդի կամ միջնաբերդի: Բ. Առաքելյանի կարծիքով, եղել են նաև փոքր թվով քաղաքներ, որոնք առաջացել են բերդի հետ չկապված ավաններից, ինչպես է այն բնակավայրերից, որոնք գոյացել են երկրի այս կամ այն բնական հարստության օգտագործման հիման վրա:

Քաղաքները աճել են հիմնականում ի հաշիվ հողից զրկված և ճորտացման վտանգից դեպի քաղաքները փախչող գյուղացիության: Բնականաբար, ո՞ր կարող էին փախչել շինականները, որպեսզի ազատվեին ճորտությունից կամ առևանգման, գոնե ազատ մնային փախուստի վայրում ծնված նրանց երեխաները:

Ինչպես երևում է, հնագույն շրջանի քաղաքների անկախից հետո էլ քաղաքային բնակչության՝ «ըստ պայմանի քաղաքացեաց» իրավունքներն ու արտոնությունները միջնադարում պահպանվել են և արտացոլվել Մխիթար Գոշի «Դատաստանագրքում»: Հենվելով Հայաստանում գոյություն ունեցած հին կարգի վրա, Գոշը սահմանել է. «Արդ քաղաքացիք առաւել քան զգեղունկս պատուիցին և գեղեկաց նմանապես առաւել պատուի լիցի քան բնակչաց ազարակի, սոյնպես լիցի բերդի բնակչաց և աւանի, զի և կարգ առաջնցն է

# ՏԵՂԱԿԱՆ ԻՆՔՆԱԿԱՌԱՎԱՐՄԱՆ ՀԱՅԿԱԿԱՆ ՊԱՏՄՈՒԹՅՈՒՆԸ

«Համայնք-ՀամաՏեղ» ամսաթերթը շարունակում է իր ընթերցողին ներկայացնել տեղական ինքնակառավարման՝ հայկական մոդելների մասին՝ Արեւիկ Հարությունյանի «Պանկուից մեր օրերը» եզակի աշխատության ուշագրավ էջերը:

մերոց թագաւորացն այդոքիկ»: Գոշի սահմանմամբ՝ քաղաքացուն շնորհված արտոնությունը միջնադարում տարածվել է նաև բերդի և ավանի բնակչության վրա, և ավան իրավական տեսակետից հավասարեցվել է քաղաքին: Գոշը առեւտրը թույլատրելի է համարում քաղաքներին, հավասարապես նաև ավաններին: Հարձյալ գյուղի մասին խոսք չկա: Այսպիսով, քաղաքների, բերդերի և ավանների բնակչությունը միջնադարում դարձյալ վայելել է որոշակի արտոնություններ, որոնք էլ գյուղական բնակչության համար խոշոր ձգողական ուժ են ստացել: Քաղաքի բնակիչը անմիջական ճոր-

հանդիպող «երիցանի»-ն, որն ըստ էության համարժեք է Մատթեոս Ուռուխյեցու «Ժամանակագրության» մեջ հանդիպող «ծերք քաղաքին»՝ ծերակույտ հասակացությանը: Ս. Երեմյանը, հղում կատարելով Արիստակես Լաստիվերտցուն, նույնպես մատնանշել է դեռևս վերջին Բագրատունիների օրոք Անիում քաղաքային ավագանու խորհրդի գոյացման փաստի մասին՝ աղբյուրներում հայտնի «աւագք քաղաքին» կամ «գլխաւորք քաղաքին» անուններով: Ս. Երիզաւորյանը իր «Վարչական հաստատությունների մասին պատմական հետազոտություններ» աշխատության մեջ, հիմնվելով Ղեւոնդ

զարգացած ֆեոդալիզմի դառաշրջանը»:

Պարզվում է, որ Հայաստանում IX-XI դարերում մինչև այդ գոյություն ունեցող երեք քաղաքներից բացի առաջացել է քաղաքացուցել են 42 քաղաք, 23 գյուղաքաղաք և շատ ավաններ, որոնցից մոտ երեսունը աղբյուրներում հիշատակված են որպես առավել խոշոր: Քաղաքային վարչության և ինքնավարության առկայությունը միջնադարյան Հայաստանում առաջինը փաստել են Ն. Մառը և Յ. Օրբելին: Յ. Մանանդյանը, բերելով Մառի կարծիքը «երիցանու» մասին, նշում է, որ Դվինի «քաղաքային ավագանին» հիշատակված է նաև IX-X դարերի արաբական աղբյուրներում՝ Իբն Մասլամայի (7-րդ դար) արշավանքի կապակցությամբ: Այսուհանդերձ Մանանդյանը չժխտելով բերված վկայությունների կարեւորությունը, հավանական է համարում, որ Բագրատունյաց դարաշրջանի քաղաքները մեծ մասամբ եղել են ֆեոդալների ստավայր, գտնվել են ֆեոդալ տեր-սենյորների իշխանության ներքո և ունեցել «սենյորիալ» կարգեր:

Մանանդյանի տեսակետի համաձայն այս քաղաքները կառավարվում էին պաշտոնական անձանց կողմից, որոնք նշանակում էին քաղաքների տերերը, Բագրատունի թագավորները են մյուս խոշոր սենյորները, և որ IX-X դարերի քաղաքներում դեռևս ինքնավարություն չի եղել: Այսպիսով, Մանանդյանը չի ժխտում քաղաքային վարչական պաշտոնյաների առկայությունը, բայց գտնում է, որ դրանք սոսկ սենյորների կողմից նշանակվող պաշտոնյաներ էին:

Սակայն պատմագիտության մեջ կա մեկ այլ կարծիք, որի համաձայն Մանանդյանի տեսակետը հիմնականում ճիշտ է, որքանով այն վերաբերում է Բագրատունյաց թագավորության շրջանին (IX դարի վերջերից մինչև XI դարի 40-ական թթ.) և այդ թագավորության սահմաններում գտնվող քաղաքներին: Մինչդեռ քաղաքային վարչության և ինքնավարության սկզբնավորումը դիտվում է հենց այդ դարաշրջանում, մասնավորապես այն քաղաքներում, որոնք չեն պատկանել ֆեոդալ տիրոջը և եղել են պետական ընդհանուր ենթակայության քաղաքներ: Պետական ընդհանուր ենթակայության քաղաքներում շատ ավելի նպաստավոր հող կար քաղաքային

ինքնավարության զարգացման համար: Այդպիսիններից է Բյուզանդական կայսրության սահմաններում գտնվող Արծն քաղաքը, որը դեռևս X դարի երկրորդ կեսին և XI դարի առաջին կեսին դարձել է ինքնավար համայնք և ունեցել իր սեփական աշխարհագրը:

Քաղաքներում ձևավորվել է զարգացել է քաղաքային դասը, որը ձգտել է քաղաքային իշխանության մեջ իր շահերը պաշտպանված տեսնել: Երկրի տնտեսության մեջ և հատկապես քաղաքային կյանքում արհեստագործության ու առեւտրի դերի բարձրացումը անխուսափելիորեն բարձրացրել է քաղաքային դասի դերն ու տեղը այն քաղաքներում, որոնք միանձնյա կերպով կառավարվել են քաղաքի տեր հանդիսացող այս կամ այն իշխանի կողմից: Քաղաքային դասը հաճախ է պայքարել քաղաքի միանձնյա իշխանի դեմ: Այդ պայքարը մղվել է քաղաքի ներքին կյանքի կառավարմանը մասնակցելու, հողատերերի կամայականությունները զսպելու և քաղաքային ինքնավարությունը ստեղծելու համար: Ակադեմիկոս Երեմյանն այդ ընթացքը մատնանշել է հետևյալ կերպ. «Մանավանդ քաղաքային դասի վերնախավը պայքարի մեջ էր մտել քաղաքի ֆեոդալ տիրոջ կամ սենյորի հետ՝ ընդդեմ նրա անբաժան տիրապետության և իշխանության ու տակավ առ տակավ ձեռք էր բերում քաղաքային վարչության մեջ մասնակցության իրավունք: Իշխանի գլխավորած վարչությունը քայլեր էր կատարում քաղաքային ինքնավարություն դառնալու ուղղությամբ: Քաղաքային վարչությունն աստիճանաբար ընդարձակվում էր, ուստի նրա հետագա զարգացումը, բնականաբար, տանում էր դեպի ինքնավարության առաջացում, որը տարբեր քաղաքներում ունենում էր տարբեր դրսևորում՝ սկսած քաղաքի տեր ֆեոդալի իշխանության ներքո ձեռք բերված մասնակի ինքնավարությունից մինչև քաղաքային ինքնավար համայնքի ձևավորումը»: Արդյունքում մի շարք քաղաքներում ստեղծվել են քաղաքային ինքնավարության մարմիններ՝ քաղաքային խորհուրդներ կամ քաղաքային ավագանի:

Ըստ «Պանկուից մեր օրերը» գրքի  
Հատվածները տպագրվում են  
հեղինակի համաձայնությամբ:



Անիի պարիսպների ավերակներ: Հեղինակ՝ Ziegler175

տական կախումից եղել է ազատ, ունեցել է տեղից տեղ շարժվելու կամ բնակչության վայրը փոխելու իրավունք, ազատ կերպով կարող էր զբաղվել ոչ միայն արհեստներով, այլ նաև այնպիսի գործերով, որպիսիք գյուղերում չեն եղել, նա ազատ է եղել նաև հողատիրոջ օգտին կատարվող պարիսպային պարտավորությունից: Այս ամենն, իհարկե, գրավել է շինականին:

Քաղաքային վարչության վերաբերյալ ամենավաղ տեղեկությունները վերաբերում են Դվինին, որը IX-X դարերում մերթ քաղաքային ընդհանուր ենթակայության, մերթ ֆեոդալ տիրոջը պատկանող քաղաքի անկախուն վիճակ է ապրել, ինչը նպաստավոր է եղել քաղաքային ինքնավարության առաջացման համար: Մառը, ամփոփելով Անիի երկար տարիների պետական արդյունքները, հայտնել է այն կարծիքը, որ «Անիում առաջանում էր, թերեւս առաջացել էր ինքնուրույն քաղաքային կյանք, քաղաքային ավագանու գլխավորությամբ և օրենսդիր իշխանությանը»: Անիի քաղաքային ինքնավարությամբ մարմինը համարվում է Անիի վիմագիր արձանագրությունների մեջ հաճախ

Ալիշանի և Մխիթար Գոշի «Դատաստանագրքի» հաղորդածների վրա, նույնպես հավաստում է, որ Անիի կառավարվել է պատրոնների կամ վերատեսուչների, տանուտերերի և ծերակույտի ձեռքով:

X-XI դարերում արհեստների և առեւտրի զարգացմանը զուգընթաց քաղաքների բնակչության թիվն աճել է: Արհեստագործական բազմազան ճյուղերի և ծավալուն առեւտրի շնորհիվ քաղաքներն աստիճանաբար դարձել են տնտեսական, առևտրական և մշակութային խոշոր կենտրոններ: Պատմաբան Ս. Երեմյանի գնահատմամբ՝ «Հայաստանի քաղաքները X-XI դարերում իրենց զարգացման մակարդակով ետ չէին մնում արաբական խալիֆայության և բյուզանդական երկրների քաղաքներից ու խոշոր դեր էին խաղում թե՛ երկրի ներքին կյանքում, և թե՛ միջազգային տարանցիկ առևտրի մեջ: Այդ դարաշրջանում քաղաքների ձևավորումը և զարգացումը հասարակական-տնտեսական այն գլխավոր նախադրյալներից էին, որոնցով պայմանավորվեց հասարակության անցումը վաղ ֆեոդալական փուլից դեպի բարձր փուլ»:



«ՀԱՄԱՅՆՔ-ՀԱՄԱՏԵՂ» ամսաթերթ  
Լրատվական գործունեություն  
իրականացնող՝ «Համայնքների  
ֆինանսիստների միավորում» ՀԿ  
Գրանցման վկայական՝  
թիվ 03U063471,  
տրված՝ 06. 02. 2004 թ.

Թերթը հրատարակվում է Ամերիկայի  
ժողովրդի աջակցությամբ՝ ԱՄՆ Միջազգային  
զարգացման գործակալության  
օժանդակությամբ իրականացվող «Հանրային  
մասնակցություն տեղական  
ինքնակառավարմանը» (ՀամաՏեղ) ծրագրի  
շրջանակներում: Այստեղ արտահայտված  
տեսակետները միմյանից հեղինակներին են և  
պարտադիր չեն, որ արտահայտեն ԱՄՆ ՄԶԳ  
կամ ԱՄՆ կառավարության տեսակետները:

ԽՄԲԱԳՐԱԿԱՆ ԽՈՐՀՈՒՐԴ  
ՎԱՅՆ ՄՈՎՍԻՍՅԱՆ  
ՎԱՅՐԱՄ ՇԱՀԱԶՅԱՆ  
ԱԲՐԱՅԱՄ ԱՐՏԱՇԵՍՅԱՆ  
ՆՎԵՐ ԳԵՎՈՐԳՅԱՆ  
ԲՈՒՐՆ ՆԱԿԱՍՍԱՆԳՅԱՆ  
ՀՈՒԹՍԻՇ ԿԱՆՈՒԿՅԱՆ  
ԴԱՎԻԹ ՄԱՐԳԱՐՅԱՆ  
ԵՆԱՐԻԿ ԱՅՎԱԶՆՎԱՆ  
ՌՈՒԲԵՆ ՀԱՅՐԱՊԵՏՅԱՆ  
Թողարկման պատասխանատու՝  
Խմբագիր  
ԱՐԵՎԱՏ ԳՐԻԳՈՐՅԱՆ

Մեր հասցեն՝  
Երեւան, Երվանդ Բոջարի 20,  
4-րդ հարկ  
Հեռախոս՝ 011 5313 97, 011 5313 98  
Էլ. փոստ՝ info@cfoa.am  
Կայք՝ http://cfoa.am/  
Տպագրված է «Տիգրան Մեծ»  
հրատարակչության տպարանում,  
ք. Երեւան, Արշակունյաց պող. 2  
Ծավալը՝ 2 տպագրական մամուլ,  
տպաքանակը՝ 2000 օրինակ:  
Թերթը տարածվում է անվճար: